



Na osnovu čl. 3. i 11. st. 1. tač. 1) i 8) Zakona o raseljenim licima i povratnicima u Federaciji Bosne i Hercegovine („Službene novine Federacije Bosne i Hercegovine“, broj: 15/05), člana 9. stav (2) Zakona o raseljenim licima-prognanicima i izbjeglicama-povratnicima u Kantonu Sarajevo („Službene novine Kantona Sarajevo“, broj: 27/05-Prečišćeni tekst), člana 35. Zakona o izvršavanju Budžeta Kantona Sarajevo („Službene novine Kantona Sarajevo“, broj: 55/23), Uredbe o načinu ostvarivanja pomoći za održivi povratak (Službene novine Kantona Sarajevo, br. 3/14, 30/17, 43/19, 18/24 i 23/24), Odluke o usvajanju Programa utroška sredstava s kriterijima raspodjele tekućih transfera utvrđenih Budžetom Ministarstva za rad, socijalnu politiku, raseljena lica i izbjeglice Kantona Sarajevo za 2024.godinu („Službene novine Kantona Sarajevo“ broj:13/24), **Ministarstvo za rad, socijalnu politiku, raseljena lica i izbjeglice Kantona Sarajevo** objavljuje

JAVNI POZIV za podnošenje zahtjeva za dodjelu pomoći za održivi povratak

I PREDMET JAVNOG POZIVA

(1) Pomoć za održivi povratak u skladu sa Javnim pozivom za podnošenje zahtjeva za dodjelu pomoći za održivi povratak za povratnike u Kanton Sarajevo i van Kantona Sarajevo (u daljem tekstu Javni poziv) u smislu Uredbe o načinu ostvarivanja pomoći za održivi povratak (Službene novine Kantona Sarajevo, br. 3/14, 30/17, 43/19, 18/24 i 23/24) odnosi se na dodjelu finansijske novčane pomoći povratnicima u mjesto povratka u cilju stvaranja uslova za održivi povratak i to za sljedeće projekte:

- izgradnja, sanacija i rekonstrukcija infrastrukture,
- obnova porušenih ili oštećenih vjerskih objekata,
- manje popravke stambenih jedinica,
- razvoj poljoprivrede za potrebe povratnika i članova njegovog domaćinstva,
- nabavka prehrambenih proizvoda za povratnike,
- kupovina školskog pribora i knjiga za povratnike i
- druge namjene koje su od važnosti za održivi povratak.

(2) Pravo na podnošenje zahtjeva (apliciranje) za dodjelu finansijske pomoći za održivi povratak imaju fizička lica, kao i općine, vladine i nevladine institucije, ustanove i organizacije od značaja za održivi povratak (u daljem tekstu: pravna lica).

II FINANSIJSKA SREDSTVA

Finansijska sredstva za realizaciju pomoći po osnovu ovog Javnog poziva osigurat će se iz Budžeta Kantona Sarajevo na poziciji Ministarstva za rad, socijalnu politiku, raseljena lica i izbjeglice Kantona Sarajevo za 2024. godinu.

III KRITERIJI

Prilikom razmatranja podnesenih aplikacija i projekata na Javni poziv, pored kriterija iz Uredbe o načinu ostvarivanja pomoći za održivi povratak, vrednuju se sljedeći kriteriji:

(1) Opći kriteriji koji se odnose na pravna lica:

1. Da je pravno lice, upisano u odgovarajući registar kod nadležnog organa, izuzev općine;
2. Da je tražena pomoć namijenjena rješavanju problema i zadovoljavanju potreba povratnika u Kanton Sarajevo ili povratnika iz Kantona Sarajevo.

(1a) Posebni kriteriji koji se odnose na pravna lica:

1. Broj povratnika na koje će se tražena pomoć direktno ili indirektno odnositi;
2. Učešće aplikanta u finansiranju projekta.

(2) Opći kriteriji za dodjelu pomoći koji se odnose na fizička lica:

1. Da se radi o povratnicima u Kanton Sarajevo ili povratnicima iz Kantona Sarajevo;
2. Da povratnik raspolaže imovinom u mjestu povratka na kojoj se tražena pomoć može optimalno iskoristiti.

(2a) Posebni kriteriji koji se odnose na fizička lica:

1. Broj i starosna dob članova uže porodice podnosioca zahtjeva sa kojima živi u zajedničkom domaćinstvu;
2. Da podnosilac zahtjeva je/nije u radnom odnosu;
3. Pripadnost nekoj od posebnih kategorija lica (porodice šehida i poginulog borca, lica sa invaliditetom, demobilisani nezaposleni borac, porodice nestale osobe, bivši logoraš, civilna žrtva rata i druge socijalne kategorije) u skladu sa važećim zakonima u F BiH.

IV Zahtjev na Javni poziv treba da sadrži: naziv/ime podnosioca zahtjeva (aplikant), sjedište/prebivalište podnosioca zahtjeva, opis projekta iz zahtjeva, iznos finansijske pomoći za projekat iz zahtjeva.

Uz Zahtjev na Javni poziv koji podnose i fizička lica i pravna lica (aplikanti) dostavlja se:

1. projekat izgradnje, sanacije i rekonstrukcije infrastrukture treba da ima dokument o finansijskim pokazateljima sa potpisom ili pečatom ovlaštenog lica,
2. ostali projekti trebaju da imaju finansijske pokazatelje sa potpisom ovlaštenog lica ili aplikanta,
3. uvjerenje o poreskoj registraciji i ID broju (pravna lica),
4. rješenje/uvjerenje o registraciji (pravna lica, izuzev općine),
5. spisak korisnika projekta čija se validnost dokazuje potpisima (pravna lica),
6. ovjerena izjava aplikanta o učešću u finansiranju projekta, ukoliko učestvuje u finansiranju projekta,
7. prijava prebivališta iz mjesta povratka (fizička lica),
8. dokaz o vlasništvu imovine u mjestu povratka (fizička lica),
9. kućna lista (fizička lica),
10. potvrda o radnom odnosu, odnosno uvjerenje Zavoda za zapošljavanje (fizička lica),



11. dokaz o statusu (RVI, šehidska porodica, demobilisani borac, rješenje o invalidnosti i dr.) (fizička lica),

12. transakcijski račun aplikanta.

V IZVJEŠTAJ O NAMJENSKOM UTROŠKU POMOĆI

(1) Rok za dostavu Izvještaja o namjenskom utrošku finansijske pomoći dodijeljene po ovom Javnom pozivu iz Budžeta Kantona Sarajevo za 2024. godinu na poziciji Ministarstva za rad, socijalnu politiku, raseljena lica i izbjeglice Kantona Sarajevo i njegov sadržaj, biće regulisan ugovorom zaključenim između aplikanta kojem je odobrena finansijska pomoć i Ministarstva za rad, socijalnu politiku, raseljena lica i izbjeglice Kantona Sarajevo.

U slučaju da aplikant kojem je odobrena finansijska pomoć ne dostavi Izvještaj o namjenskom utrošku finansijske pomoći u skladu sa rokom iz naprijed navedenog zaključenog ugovora, kao i u slučaju da nenamjenski utroši dodijeljenu finansijsku pomoć, Ministarstvo za rad, socijalnu politiku, raseljena lica i izbjeglice Kantona Sarajevo ima pravo pokrenuti postupak povrata ove dodijeljene finansijske pomoći.

(2) Ako je podnosiocu aplikacije po ovom Javnom pozivu dodijeljena finansijska pomoć iz Budžeta Kantona Sarajevo za 2023. godinu na poziciji Ministarstva za rad, socijalnu politiku, raseljena lica i izbjeglice Kantona Sarajevo i Ministarstvu za rad, socijalnu politiku, raseljena lica i izbjeglice Kantona Sarajevo u vrijeme razmatranja njegovog zahtjeva po ovom Javnom pozivu još nije dostavio Izvještaj o namjenskom utrošku ove finansijske pomoći, a Komisija ocijeni da po ovom Javnom pozivu ispunjava kriterije za dodjelu finansijske pomoći, aplikantu ova finansijska pomoć neće biti doznačena dok ne dostavi naprijed navedeni Izvještaj o namjenskom utrošku pomoći iz 2023. godine iz kojeg proizilazi da je dobijena finansijska pomoć namjenski utrošena.

Rok za dostavu Izvještaja o namjenskom utrošku dobijene finansijske pomoći iz 2023. godine je 30.10.2024. godine. Ukoliko se u ovom roku ne dostavi Izvještaj o namjenskom utrošku dodijeljene pomoći iz 2023. godine, od strane Ministarstva za rad, socijalnu politiku, raseljena lica i izbjeglice Kantona Sarajevo pokrenuće se postupak povrata ovih finansijskih sredstava, kao i u slučaju da se utvrdi da je finansijska pomoć nenamjenski utrošena.

VI KOMISIJA ZA OCJENU ISPUNJENOSTI USLOVA ZA OSTVARIVANJE POMOĆI

Komisija koju rješenjem imenuje ministrica za rad, socijalnu politiku, raseljena lica i izbjeglice Kantona Sarajevo, vršiće ocjenu dostavljenih zahtjeva sa priloženom dokumentacijom i ispunjenost uslova za dodjelu pomoći po ovom Javnom pozivu, te ministrici za rad, socijalnu politiku, raseljena lica i izbjeglice Kantona Sarajevo dostaviti prijedlog aplikanta koji ispunjavaju uslove za dodjelu pomoći sa prijedlogom iznosa finansijske pomoći.

Ministarstvo za rad, socijalnu politiku, raseljena lica i izbjeglice Kantona Sarajevo donosi konačnu Odluku o raspodjeli sredstava tekućeg transfera iz Budžeta Kantona Sarajevo za 2024. godinu na poziciji Ministarstva za rad, socijalnu politiku, raseljena lica i izbjeglice Kantona Sarajevo na prijedlog Komisije.

VII PODNOŠENJE ZAHTJEVA

Podnosioci zahtjeva mogu aplicirati samo s jednim projektom u okviru ovog tekućeg budžetskog transfera za 2024. godinu.



U Zahtjevu za pomoć u svrhu održivog povratka aplikant treba navesti na koji projekat iz tačke I stav (1) Javnog poziva se odnosi zahtjev i ovaj projekat treba ukratko opisati, sa navođenjem iznosa finansijske pomoći za koji se Zahtjev podnosi.

Uz Zahtjev za dodjelu pomoći u svrhu održivog povratka fizička lica kao aplikanti moraju priložiti i potpisanu **Izjavu** kojom se daje saglasnost Ministarstvu za rad, socijalnu politiku, raseljena lica i izbjeglice Kantona Sarajevo da u skladu sa važećim propisima u Bosni i Hercegovini koji uređuju zaštitu ličnih podataka i prava raseljenih lica i povratnika može obrađivati podatke aplikanta, a u cilju dodjele pomoći aplikantu iz navedenog Zahtjeva.

Dokumentaciju treba predati original ili ovjerene kopije koje ne mogu biti starije od 30 dana od dana zadnjeg objavljivanja Obavijesti o raspisivanju Javnog poziva.

Zahtjev za ostvarivanje pomoći u svrhu održivog povratka sa Izjavom može se preuzeti na **Šalter sali Pisarnice Kantona Sarajevo** ili na web stranici Ministarstva za rad, socijalnu politiku, raseljena lica i izbjeglice Kantona Sarajevo i **kancelariji broj 26** Ministarstva za rad, socijalnu politiku, raseljena lica i izbjeglice Kantona Sarajevo.

Dokumenti dostavljeni uz Zahtjev na Javni poziv neće se vraćati.
Nepotpuni, neblagovremeni i Zahtjevi sa neovjerenim kopijama neće se uzimati u razmatranje.

Zahtjev sa pratećom dokumentacijom predaje se na **Šalter sali Pisarnice Kantona Sarajevo** svakim radnim danom od 8:00 do 16:00 sati ili putem pošte kako slijedi:

**Ministarstvo za rad, socijalnu politiku, raseljena lica i izbjeglice Kantona Sarajevo,
Ulica Reisa Džemaludina Čauševića br. 1., 71 000 Sarajevo
sa naznakom za Javni poziv „Održivi povratak -ne otvaraj“**

Ovaj Javni poziv biće objavljen na web stranici Ministarstva za rad, socijalnu politiku, raseljena lica i izbjeglice Kantona Sarajevo.

U postupku Javnog poziva Ministarstvo za rad, socijalnu politiku, raseljena lica i izbjeglice Kantona Sarajevo ne snosi troškove aplikantima.

Dodatne informacije mogu se dobiti u Ministarstvu za rad, socijalnu politiku, raseljena lica i izbjeglice Kantona Sarajevo; kancelarija broj 26 ili na kontakt telefon: 033 562 191 i 033 562 257.

Obavijest o raspisivanju Javnog poziva za podnošenje zahtjeva za dodjelu pomoći za održivi povratak za povratnike u Kanton Sarajevo i van Kantona Sarajevo biće objavljena u dnevnom listu “Dnevni avaz” i “Službenim novinama Federacije Bosne i Hercegovine”, te web stranici Ministarstva za rad, socijalnu politiku, raseljena lica i izbjeglice Kantona Sarajevo, a rok za dostavu Zahtjeva je 30 (trideset) dana od dana posljednjeg objavljivanja navedene obavijesti.

Broj:13-05/1-32-31421/24
Datum: 14.06.2024. godine

